

LÖG Vélsleðafélags Ólafsfjarðar

1.gr.

Félagið heitir Vélsleðafélag Ólafsfjarðar (VÓ), stofnað 10.10.1998. Aðsetur þess og varnarþing er á Ólafsfirði. Félagið er aðili að Ungmenna- og íþróttasambandi Fjallabyggðar (ÚÍF), **Ungmennafélagi Íslands (UMFÍ)** og Mótorsports sambands Íslands (MSÍ).

2.gr.

Tilgangur félagsins er að iðka og efla vélsleða- og vélhjólaíþróttir, stjórnun fjarstýrðra farartækja og fjallareiðhjólasporti og skapa meðlinum þess aðstöðu til að stunda íþrótt sína á ákveðnum lokuðum svæðum og annars staðar eftir því sem yfirvöld og lög leyfa.

3.gr.

Merki félagsins er vantar
Keppniseinkenni félagsins er **VÓ**

4 gr.

Félagsmenn geta allir orðið sem lagt hafa fram inngöngubeiðni og eru orðnir 18 ára. Halda skal skrár yfir félagsmenn og stöðu árgjalda.

5 gr.

Félagsmenn skulu greiða árgjald til félagsins. Skal það ákveðið á aðalfundi ár hvert.

6.gr.

Aðalfund félagsins skal halda eigi síðar en 15. maí ár hvert. Aðalfundur hefur æðsta vald innan félagsins og ákvörðunarvald í öllum málum þess.

Dagskrá aðalfundar skal auglýsa opinberlega með minnst tveggja vikna fyrirvara. Málefni sem félagsmenn óska að tekin verði fyrir á fundinum skal tilkynna stjórn félagsins minns viku fyrir aðalfund.

Aðalfundur er löglegur sé réttilega til hans boðað.

7.gr.

Dagskrá aðalfundar er eftirfarandi

- Fundarsetning
- Kosning fundarstjóra og fundarritara.
- Skýrsla stjórnar
- Reikningar félagsins lagðir fram.
- Umræða um skýrslu stjórnar og reikninga. Reikningar lagðir fram til samþykktar.
- Stjórn leggur fram fjárhagsáætlun fyrir næsta ár.
- Lagabreytingar
- Umræða um lagabreytingar. Lagabreytingar lagðar fram til samþykktar.
- Ákvörðun um árgjald.
- Kosning formanns til eins árs í senn.
- Kosning tveggja stjórnarmanna til tveggja ára.
- Kosning tveggja varamanna til eins árs.
- Kosning tveggja skoðunarmanna
- Tilnefning fulltrúa til stjórnarkjörs ÚÍF.
- Önnur mál.

8.gr.

Einfaldur meirihluti greiddra atkvæða ræður úrslitum mála á aðalfundi. Þó öðlast lagabreytingar því aðeins gildi að þær hljóti samþykki tveggja þriðju hluta þeirra sem atkvæði greiða, enda taki fullur helmingur þeirra sem á fundi eru þátt í atkvæðagreiðslunni.

9.gr.

Allir skuldlausir félagsmenn, 18 ára og eldri hafa atkvæðisrétt, málfrelsi, tillögurétt og kjörgengi til stjórnarstarfa á aðalfundi félagsins. Heiðursfélagar eiga rétt á þingsetu og hafa þar málfrelsi og tillögurétt.

10.gr.

Aukaaðalfundi félagsins má halda ef stjórn telur nauðsynlegt eða ef 10 af hundraði atkvæðisbærra félaga óska þess skriflega og tilgreina fundarefni það sem ræða skal. Aukaaðalfund skal boða með sama hætti og reglulegan aðalfund. Reglur um aðalfund gilda eftir því sem við á um aukaaðalfund.

11.gr.

Stjórn félagsins skal skipuð 5 mönnum, formanni, varaformanni, gjaldkera, ritara og einum meðstjórnanda, ásamt tveimur varamönnum. Formaður skal kosinn sérstaklega en að öðru leyti skiptir stjórnin sjálf með sér verkum.

Á aðalfundi skal einnig kjósa tvo skoðunarmenn reikninga félagsins.

12.gr.

Stjórnarfundir skal halda reglulega þó eigi sjaldnar en mánaðarlega og oftast ef þurfa þykir, þar með talið ef stjórnarmaður óskar þess. Formaður boðar til stjórnarfunda. Stjórnarfundir eru löglegir ef meirihluti stjórnar er mættur. Einfaldur meirihluti ræður úrslitum mála á stjórnarfundum.

Stjórn félagsins fer með æðsta vald í málefnum þess milli aðalfunda.

Stjórn félagsins skal vinna að því að efla félagið á allan hátt og gæta hagsmuna þess út á við. Hún skal einnig samræma starfsemi félagsins inn á við og hafa eftirlit með starfsemi þess. Stjórnin hefur yfirumsjón með eignum félagsins og markar stefnu þess í öllum veigamiklum málum.

13.gr.

Reikningsár félagsins er 1.janúar - 31.desember. Gera skal fjárhagsáætlun fyrir hvert starfsár þar sem gera skal grein fyrir áætlun um tekjuöflun félagsins og áætlunum rekstrargjöldum.

14.gr.

Allar eignir félagsins skulu vera í yfirumsjón stjórnar félagsins. Stjórn félagsins skal varðveita skjöl félagsins og aðra muni, s.s. verðlaunagripa, gjafir o.s.frv.

15.gr.

Úrsögn félagsmanna úr félaginu skal vera skrifleg og berast til stjórnar.

16.gr.

Heimilt er stjórn að víkja félögum úr félaginu, telji hún þá hafa unnið alvarlega á hlut félagsins, eða sýnt af sér óásættanlega hegðun.

17. gr.

Hætti félagið starfsemi sinni og verði lagt niður, skal afhenda Björgunarsveitinni Tind, Ólafsfirði eignir þess.

18.gr.

Að öðru leyti gilda lög UÍF, lög UMFÍ og lög ÍSÍ
Samþykkt á aðalfundi VÓ þann 3.nóvember 2023.